



**THINK NAMIBIA**  
Sustainable Forest  
Management

**SIMBAPIRA SOUSILI KUHAMENA KO:**

**Yirugana yokulisiga- siga  
yoVagendesesi ekungowiza  
moNamibia**

*Simbapira esi kuna kugava nombudi domulyo kuhamena vagendesesi ekungowiza moNamibia.*

**ETWAROMO**

Vagendesesi kwa va fwaturura asi vantu vena va kara ndi ava likida eharo nosinka soyuma yongandi, pwangesi, awo vantu va kara neharo kuhamena yiviyauka yowiza nekungowiza. Vagendesesi kuruganena kumwe nokunomena asi sitambo segendesoyukiliro lyowiza lina siki mo.

Mulyo unene kunongonona asi nkenye mukwatesi nkenye ga hepa kurugana yitumbukira yendi kumwe noku yi sikisa mo. Magwanekero novakwafi/ vakwatesiko kuvatera mokugava magano mokusokora nomakuliko.

Vagendesesi wokulisiga-siga va kara nononkedigwanekero davene, momarupe gokulisiga-siga nononkondo, ntani kurugurura maliyongo. Elikwamo eli kuvatera mokukulika erwameno nositambo segendesoyowiza momuwa.

**SIRUGANATUMBUKIRO SENE-SENE  
SOVAGENDESI EGENDESoyUKILIRO  
LYOWIZA**

Vagendesesi vamwe womulyo megendesoyukiliro lyowiza ngamoomu:

- Yiwo wokuruganesa yitji ntani nomarunone gamwe gowiza, mokunomena muzangu gomowiza ponomaraka (market) kusikura nompumbwe dovantu.
- Vahameni momakuliko ndi mokutura wiza wonkarapamwe paveta nomavango gamwe mekungo.
- Vahameni momagendeseso ngwendi momafaneko gegendeseso ekuliko nekungowiza wonkarapamwe.
- Kulihamesera momatarururo nomakonakono goukanguki gowiza negendeseso, ntani kudimburura maudona ntani nompito dowiza.
- Va kara noyitumbukira mokurugana matokoro mokuwapeka egendeseso lyekungowiza.
- Kuvatera mokurugana nosumina mukupongayika silinga zEgengesoyukiliro lyowiza.
- Kukara nositumbukira sokutulisa po kumwe nokudidilika noveta nonompangokwamo.

**NKEDINONGONONI VAGENDESI**

Nsene kuna kurongikida maliyongo govagendesesi, ya kara hepero kunongonona nokuheheda mulyo govagendesesi.



*Ruhafano 1: Nontambo dokulisiga-siga dovagendesesi*

Kukwama enongonono lyovagendesesi, mulyo unene mokutulisa po elizuvho lyoyirugana ntani yitumbukira yovagendesesi momaruha gokulisiga-siga.



*Ruhafano 2: Yinakugwanesa po moyilyongwa yovagendesesi*

# VAGENDESIWIZA NTANI YIRUGANA NOYITUMBUKIRA YAWO

Kukwama mokudimburura vagendesesi, mulyo unene asi yitumbukira yokuyukilira ya hepa kuyitulisa po navenye. Egendeseso lyowiza kwa likwatakana nomaruha gokulisiga-siga aga ga kara noyirugana yokulisiga-siga mokurugana yipo va sikise mo sitambo segendeseso lyowiza.

Sitafurafaneko 1: Yitumbukira yovagendesesi megendeseso lyowiza monkarapamwe (Directorate of Forestry, 2005)

	Mberewa	Yitumbukira
Vagendesesi	Egendeseso lyoRudi (TA)	<ul style="list-style-type: none"> <li>Kugava epitisiro kumwe nokugava mbilivepulisiro evango yipo wiza wonkarapamwe va u ture paveta.</li> <li>Kupulisira nomurudi dowizakungo wonkarapamwe.</li> <li>Kugava makohonona gomaudigu gomonkarapamwe.</li> </ul>
	Komitiye zegendeseso wiza (FMC)	<ul style="list-style-type: none"> <li>Sirugana sokusaina mbapira zomalizuvho zekungowiza wonkarapamwe kumwe naMinistera.</li> <li>Situmbukira sefaneko gendesowiza, kutarurura yiviyauka negendeseso lyowiza.</li> </ul>
	Ruhamberewa zekungo wiza (DoF)	<ul style="list-style-type: none"> <li>Kugava makwafo nomakwatesoko kekungowiza wonkarapamwe.</li> <li>Kutura moyirugana novetaturwapo degendeseso wiza.</li> </ul>

Kugusa ko vagendesesi vekungowiza wonkarapamwe, simpe ko ge li maruha gamwe megendeseso aga ruganene kumwe nekungowiza.

Sitafurafaneko 2: Mulyo gehameseromo nkarapamwe megendeseso lyowiza

Mberewa	Yitumbukira
Uministeli wEkungonsitwe, Wiza noVadinguli (MEFT)	Kugava mavukiso kuhamena nsitwe zonkarapamwe ntani nowiza.
Uministeli wEvhu (MLR)	Kunomena asi ediviso lyekungowiza wonkarapamwe yina lizi netjangeso nomberewa zevhu.
Uministeli woUnandima noMema (MAW)	Kugava makwatesoko konoproyeka da pira kuhamena kekungowiza, mokurugana marandeseso nomuzangu.
Uministeli woUnaveta (MoJ)	Kutarurura novetaturwapo dokuruganisa yipo va ture wiza paveta kumwe nomavango gamwe gowiza.
Epangero lyokoNomukunda (GR)	Kugava makwafo komavango gekungowiza wonkarapamwe nokunomena asi tayi lizi nomakuliko gomukunda.
Nombunga denomeno nsitwe (ngwendi IRDNC, NNF)	Kugava makwafo mokuvatera nkarapamwe momagendeseso ntani kutura mafaneko.
Nonkurusure nonombunga domakonakono	Kugava makwafo gomakonakono ntani nodeura kuhamena egendeseso lyowiza ntani novahamene vamwe.

IRDNC = Integrated Rural Development ntani Nature Conservation; NNF = Namibia Nature Foundation

## Epangeropulisiro lyovagendesesiwiza

Ruhamberewa zekungowiza, monda zoUministeli wEkungonsitwe, Wiza noUdinguli, kwa kara nositumbukira sokupopera runone rosirongo, ntani unankondo noumanguruki wokuruganisa runone nokugwanena mo mauwa. Kuyirugana mokutulisa po nongendeseso dokuvhura kukwama yipo asi marunone va ga ruganese momuwa.

Ruhamberewa zekungowiza kwa divilisa mokurugana yina kukwama ko:

- Kugendesesi noveta edi va tura moVetantokorwa zoWiza (Forest Act).
- Kugava eruganiso kovanamukunda monkarapamwe.
- Kurugana malikwamo gopontambo zosirongo gokuhamena nsitwe zowiza omu muna kwatere makonakono, erongo, ntani nodeura.
- Kurugana yiviyauka yankenye ezuva yina kuliza negendeseso wiza.
- Kutura nomukoso gokuzira mo gomuzangu (yirandeswa) ntani kugava nombapirapulisiro.
- Kukoneka asi umwenya woyiweka wa hepa kukara po kovagwaneni mo mauwa momarunone gowiza.

## Maudigu goVagendesesi wokulihamesera Megendesoyukiliro lyoWiza

Maudigu muna kwatere:

- Elitavagano morwa kudira kulizuvha mokatji kovagendesesi.
- Udigu wEra ka momagwanekero, sinene po nsene kuna kurugana novantu wokonomukunda.
- Vanamukunda kutambura nkenye simwe sosipe vana dili kukoneka.
- Mwato udivi wokuhamena noveta ndi vasesu va diva noveta.
- Nkenye gumwe kukara nomatokoro ndi nomagano gamwe komeho va hingire momalilyongo.
- Marudi gonompo dokulisiga-siga, ndi malisigo gonontambo domalirongo govagendesesi.

## Eyombereso lyewa kulihamesera Vagendesesi



Mokugwana yitundwamo yoyiwa moyiliyongwa yovagendesesi mulyo unene kukwana eyi:

- Ntateko zomalilyongo gokupama, yipo yipulisire vagendesesi novakwatesi moku va nongonona va hamene mo megendeseso.
- Pwa hepa kukara magwanekero gopankenye siruwo mokatji kovagendesesi mulyo, mokutura nkenye gumwe a kare ana pukuruka kwa nayinye ya kuhoroka megendesoyukiliro lyekungowiza.
- Kurugana deura zomalikwatakano kuninkira asi vagendesesi navenye va gwane udivi wokulifana wohepero kuhamena egendesoyukiliro lyowiza .
- Ruha rosilinga: Vagendesesi va hepa kudiva nompito dokuvhura kurugana ndi kugwana silinga zokuvhura kuruganisa moyinka yonoproyeka degendesoyukiliro lyowiza mokuretesa po mfeto zokuligwederera.




Maruha gonombudi dopampepo nonombilive dopampepo (internet)

Yigongi yomonkarapamwe ndi sigongi sanavenye souhura womumvho



Kutura nombunga doyigongi

## NONKEDI DOMAGWANEKERO NOKUSIKA KOVAGENDESI/VAKWATESI KO




Kurugana mapuragero nomakonakono

Nosaitunga ntani nomangazine



Radiyo noTelevisi (TV)




Ruhafano 3: Nonkedi domagwanekero ndi dokugwana vagendesesi wokulisiga-siga

## NKEDIRUGANO ZOUKUMWE MOKATJI KOVAGENDESI

Elikwatakano ndi eruganenokumwe mulyo unene mokatji kovagendesesi evango lyowiza, morwa kuvatera mokutulisa po udivi, nkedi zokugwana silinga, ntani kulipa magano nonompito.



Varongwa wokonosure kuvhura kudingura evango lyekungowiza moku ka liyomberesa ntani kukalironga ntateko zegendesesi lyowiza nonomvhura depupi lyesesu.



Mavango gokurara nokutara vadinguli kureta vadinguli wovawa wokuranda yihongagura nonomuzangu dimwe dokulikarera domowiza.



Nombungakwafi dokugava yimaliwa kuvhura kudihedera yipo di gave makwafo gokukwatesa ko malikwamo noyiviyauka yemegendesesi ekungo lyowiza.

## NKEDIRUGANO MELIKWATAKANO MOKUVATERA EGENDESO LYOWIZA



Nongesefa, mavangokungiro gowiza kuvhura kugava yihepwa yokurandesa konongesefa domonkarapamwe nomuzangu gomowiza.



Nonkurusure nonomberewa domakonakono kudidilika mokugava makwafo gokuvarura yitji kumwe nomakuliko moukonentu wenomenu.



MaUministeli gepangero; maUministeli gepangero gokulisiga-siga ntani nombereva da hepa kunomena asi noveta doyiviyauka kuna kudikwama.

Ruhafano 4: Nkedirugano melikwatakano mokuvatera egendesesi lyowiza

## EHAGESO

Ngosirongo ngwendi Namibia esi sa kara nomalikhwamo gEgendeso Runone roNsitwe moNkarapamwe (CBNRM) kwa nongonokwa pontambo zouzuni, ya kara mulyo unene kukara nonombungakwatesiko mokulihamesera momakuliko nomomalikhwamo gegendeso gowiza, kuninkira yipo yi lize kumwe nomalikhwamo go- CBNRM. Magwanekero govagendesi pwanjenje siruwo kwa kara suma simwe somulyo megendesovyukiliro lyowiza.

## MAFWATURURONKANGO

### Egendeso Runone roNsitwe moNkarapamwe [Community Based Natural Resources Management (CBNRM) programme]:

Elikwamo ali vhuru kuvatera nokupulisira vanamukunda va lihamesere mekeverero negendeso lyorunone ronsitwe, mokuvakwafa momakuliko, ekandano ruhepo, ntani va gwanene mo yiwiza mo.

### Vagendesi [Stakeholder]:

Mundinda gomuntu ndi mberewa za kara neharo lyokurugana ngesefa ndi proyeka. Mokuvawapera ndi mokudira kuwapa moyiviyauka yoprojekta sinene po kuhamena mekungowiza.

### Egendesovyukiliro lyowiza [Sustainable Forest Management]:

Kugendesa wiza monzira zopahetakano nonkarapamwe, monsitwe, ntani moyikwaeparu morwa mauwa gokutunda megunda.

## MAUMBANGI

Directorate of Forestry, 1996. *Namibia forestry strategic plan: Forest biodiversity for present and future generations*. Ministry of Environment and Tourism, Windhoek.

Directorate of Forestry, 2005. *Community forestry guidelines*. Ministry of Agriculture, Water and Forestry, Windhoek.

Emtage, N. F., 2018. *Stakeholder's roles and responsibilities in the community-based forest management program of the Philippines*. The University of Queensland, Australia.

NAFOLA Project, 2018. *Promoting sustainable land management through effective management of community forests*. Directorate of Forestry, Windhoek.

'Promoting Sustainable Forest Management in the Kavango-Zambezi-Region in Namibia'



This project is funded by the European Union

Mutjangi: Miya Kabajani

Sitarara 2021

Mupiruli: Stefanus M Kudumo (Rukwangali)



### MOKUZUVHA KO YOYINZI GWANEKERA NOPROYEKA ZA-NSFM:

Hanns Seidel Foundation (HSF) Namibia, House of Democracy  
70-72 Dr Frans Indongo Street, Windhoek West; P.O. Box 90912, Klein Windhoek, Windhoek, Namibia

Tel: +264 (0) 61 237 373 Email: [sustainability@hsf.org.na](mailto:sustainability@hsf.org.na) [www.thinknamibia.org.na](http://www.thinknamibia.org.na)



[facebook.com/thinknam](https://facebook.com/thinknam)



[twitter.com/thinknamibia](https://twitter.com/thinknamibia)



[instagram.com/thinknamibia/](https://instagram.com/thinknamibia/)